

txoritxoari mokoka

Futboleko mezuak

Aspalditik *Stade 2* (izenak dioen bezala FR2an) dugu igandeko kirolzaleen hitzordua: asteburuko kirol emaitzak eta irudiak zabaltzen dituen ordu eskas batez. Astez aste hitz gehiago eta irudi gutxiago; gainera, betiko kirol «nagusiak» lantzen dituzte, esan nahi baita, telebistari publizitatearen bidez diru gehien ekartzen dioten kirolak. Besteak, ez badira Europako edo munduko txapeldun, ezer gutxi aipatzen dituzte; Ingalaterrako Premier League-a, Italiako Calcio-a edo Espainiako Liga, esaterako, askoz gehia-



ANDREU DALMAU / EFE

Bartzelona-Real Madril partidaren kateatu ziren gazteak, zelaitik irteten, segurtasun langileek eramanda.

go; bereziki Frantziakoren batek han jokatzeko badu. Igande iluntze honetan aipagai zuten Bartzelona eta Real Madril arteko norgehiagoka. Irudiak ere erakutsi dituzte, bi golak, eta, horretaz gain, bi gazte «antimundialisten» mezua pasaratzen. Bestalde jakin ahal izan dugu, beste bi gazte ikurrina eta presoen aldeko ikurra zeramaztela zelai erdiraateratzen saiatu zirela, eta irudiak, egon badaudela. Hortaz, hitzik ere ez; bagenekien kiroleko berriek, besteak bezain konformistak direla, Tourreko komentarioak lekuko besteak beste; halere, beti zimiko bat egiten digu egiaren erdia baizik ez jakiteak.

Egiaren erdia gezur osoa baita berrikeratzen.

Xarlo Etchezaharreta

LABURAEAN

EITBko kontrol batzordeko hainbat legebiltzarkidek lurreta eta Miramon bisitatu zuten atzo

Eusko Legebiltzarreko sei legebiltzarkidek EITBko lurreta eta Miramongo instalazioak bisitatu zituzten atzo. Eider Mendoza, Edurne Egaña, Onintza Laso, Pablo Larrauri, Maria Jose Usandizaga eta Isabel Cella, EITBko arduradun Andoni Ortuzar eta Bingen Zupiriarekin batera izan ziren bisitan. Emisio digitalerako lanak ere ikusi zituzten, apirilaren 3an hasiko baitira emanaldi digitalak. EITBko administrazio kontseilua, bestalde, Gasteizen bilduko da gaur, eta hilaren 27an aukeratuko dituzte kontseilari berriak.


'Esta es mi gente' saioa 500. atalera iritsiko da apirilaren 11n

Izaro Iraetak aurkezten duen *Esta es mi gente* programak emanaldi berezia antolatuko du apirilaren 11rako, bere 500. atala ospatzeko. Lehenetik saioa aurkezle izandako Patricia Gaztañaga eta Emma Garcia gogoratuko dituzte. Eta *Lagun bila* berezia egingo dute, 60 gonbidatu gazterekin. Maria Lopez saioa zuzendariak honakoa adierazi du: «Aurkezleak aldatu baditugu ere, ikus-entzule kopurua inoiz ez da gutxitu, beraz, agerian da jendea programak gustatzen zaiola eta ikus-entzule leialak izatea lortu dugula».

Eztabaida programa bat estreinatuko dute aurki La2 katean

Josep Puigbo kazetari kataluniarak aurkeztu eta zuzenduko du hemendik gutxi-ira La2 kateko eztabaida saio berria. Saioaren gidaria nor izango den da TVEk aurreratu duen gaia bakarra.

LA2. Eurobest jaialdiko iragarkiak emango dituzte 'Metropolis'-en



CHRISTOF STACHE / AP

Telekomunikazio enpresa handi baten iragarkia egiteko pantaila erraldoia.

Publizitate berritzailea

Gardentasun narratiboa da ezaugarri nabariena Europako lan berrietan

Urtzi Urkizu | DONOSTIA

Europako publizitate sortzaileen artean gero eta garrantzi gehiago hartzen ari da Eurobest jaialdia, Londresen urtarilaren amaieran ospatzen dena. Aurreko publizitate munduko pertsona garrantzitsuenak bildu dira han euren lanak aurkezteko. Azkeneko urteetan, Cannesko nazioarteko jaialdiko aurrekari bihurtzen ari da Eurobest. Londresen saritutako lanak ekainean Cannesera eramahi ohi dituzte.

Eurobest jaialdiko 30 iragarki berritzaileenak gaur gauean

ikusitako izango dira La2 kateko *Metropolis* saioan (01:45ean). Alina Iraizozek aurkezten duen programa monografikoa izango da, Londresko publizitate jaialdiaren inguruan.

Antolatzaileen arabera, sortzaile europearren lan nabarmenen artean badira zenbait ezaugarri kontuan hartzekoak. Batetik, gardentasun narratiboa azaltzen duten iragarkiak daude, efektu berezi gutxiarekin, istorioak teknologiaren ikusgarritasunari lekua hartu diolarik. Bestetik, errealismoa lantzen duten sortzaileak azaltzen dira. Alemania eta Europako iparral-

deko lanen artean *kitsch* estetika asko azaltzen da, egunerokotasuneko egoera eta umore puntu batekin. Soinuari dagokionez, adituek zenbait ezaugarri nabarmendu dituzte; *revival* estiloa abestietan, eta hizkuntzaren erabilera txikia mugak gainditzeko. Eurobest jaialdiko irabazleen artean John Western *Bear* iragarkia aipa daiteke, Osloko Leo Burnett enpresarena.

Telebista kateetan %17,19 iragarkiak dira

AEA Espainiako Publizitatearen Behatokiaren datuen arabera, kateen emisioaren %17,79 publizitate edo autopromoziozko iragarkiak dira, batez beste. A3n %27, T5en %25,58, TVE1en %16,85, La2en %12,80 eta Canal Plusen %6,74.

TVE



EGUNKARIA

Santiago Lopez Castillo.

'Parlamento'-ko zuzendaria postutik kendu dute sozialista bat iraintzeagatik

Agentziak | MADRIL

RTVEko zuzendari nagusi Javier Gonzalez Ferrarrik *Parlamento* saioa aurkezle Santiago Lopez Castillo bere postutik kendu dutela azaldu duen atzo administrazio kontseiluari. Bost urte ziren Lopez Castillok La2eko programa zuzentzen zuela (larunbatean, goizeko 11:00etan). Otsailaren 22an, aurkezleak PSOEko Leyre Pajin legebiltzarkidea iraindu zuen Guadala-jarako *Dos Mil* egunkarian. Hori ikusita, PSOEk iragarri zuen bere ordezkariak ez zirela gehiago *Parlamento* programara joango, ez behintzat zuzendaria aldatzen ez zuten bitartean. «Halako irainak idazteko gai den pertsona batek ezin du telebista publikoan saio bat zuzendu», adierazi du Maximo Diaz Cano bozeramaile sozialistak. RTVEko zuzendaritzak prentsa ohar baten bitartez adierazi du gertaerarengatik penatuta dagoela, eta Lopez Castillok Pajin sozialistari buruz esandakoak bere iritzia baino ez direla.